

鎮安縣志

卷一三

鎮安縣志序

竊惟志以輔史自古從斯雖無
褒貶而一言一字爲勸爲懲動
關名教係

國家正典蓋可關乎哉余自丙申

孟春

棟選從軍効力於己亥之夏奉

題授宰茲土以邊逆未寧廼於癸

卯孟冬始受任事先索邑志考

其所志云何而紳衿父老悉稱

原板之失年久難稽矣後於邑

侯丁公任內曾經修志今竟不

特原板已失而且不獲其板印
之書余因曾有此舉隨遍訪閭
里愈求之急奈何無復存者無
從購求矣余乃採訪諮詢得於
長安官舍殘志數頁係丁令所
修志之原稿繼得任縣尉申早

數頁亦丁令所修又得致仕楊
文呈閱數頁再究其由無從
尋源迨本矣想丁公陞任南城
御史以致原板遺失乎抑未竣
手雖不能窮究其失之故而與
不可闕藉此殘頁守爲成規再

遍採之野詢之邑賢士紳裨益
考諸一統省郡之志又參乎經
史廣輿諸書陸續纂輯分作三
卷且爲補闕雖稿成帙力艱刊
刻緣被誣叅致余願遂不能果
矣卽蒙

聖明復任余以從軍任事經今數載
囊已告竭每視志稿已成日每
三嘆不能托諸梨棗於丙午初
秋蒙

聖恩給與養廉銀余乃欣然自慰其
邑之賦役全書原板民沒已人

於甲辰委之庠生李子請依
藩憲原板刊刻余捐俸然不敷
工料之費繼以兩里勸成而竣
矣今此志未成實爲闕事余願
捐此養廉以成厥

典豈不盛歟更有幸者舊縣闕遊

我賀公念同舟之誼聞此舉也
願分任其事捐資數十金其成
厥

典更有楊廣文在縣尉窮乏難支
不獲捐資願以採訪較輯効力
倘紳衿士庶亦有願者吾亦不

敢却惟望後之君子共爲採訪
再補其闕以光此志可耳是爲

序

書

雍正四年歲次丙午應鐘目既望
文林郎奉

復任知鎮安縣事襄平武維緒撰



鎮安縣志目錄

知縣襄平武維緒重修

與史加一級樵李任毓茂纂

致仕訓導邑貢生楊廉校

邑庠生李應春

卷一

星野

疆域

形勝

沿革

八景

山川

古蹟

節序

公式

風俗

卷二

城池

公署

舖舍

里郭

寺觀

災祥

戶口

賦役

物產

卷三

官師

選舉

人物

藝文

積水

積氣

積血

天壽

壽天

積氣

鬼

水信

井

鐵

天紀

天紀

天紀

天紀

水信

天利

天利

天利

野雞

天社


天社

老人

老人

軍市丈人

長垣




大尊



大廟



大微





天部




內平



天棧



柳



酒旗

關虎嶺

東米谷

東生界

直武宮

東山界
直武宮

東山陽界

直武宮

南云

陽山觀

長崎

龍洞

東山界



北至咸寧界

大秦嶺

聖燈崖

瀑布泉

王侯園

僧會司

西門

教場

天師寺

西垣

南垣


縣署

河

松

西至長安
石泉界

真...
圖



鎮安縣志卷之一

星野

疆域

形勝

沿革

八景

山川

古蹟

節序

附祭祀

公式

風俗

禹貢規方畫野則壤成賦輿圖一志所關甚重鎮
邑處關西萬山之中其間星辰之纏合道聖之儲

綜與夫今昔異勢流時殊形在跡可稽勝槩足攬

并附祭祀節序公式風俗志以備考

星野漢書東井十六度至柳八度為鶉首東井據西

川上流鶉首為秦蜀之墟得兩戒山之首故謂之

商當鶉首之次唐天文志柳在鬼東又接漢源當
商洛之陽南河上流而曰柳張主於華陽商洛之
域鎮安在秦之東南一區星度所指等於微茫孰
能縷析而洞矚耶謹按舊圖以侯君子焉

疆域縣東二百餘里至湖廣上津縣界東南一百五
十里亦上津縣界南二百八十里洵陽縣界西南
三百里興安州界西南三百里漢陰縣界西南四
百五十里石泉縣界西二百里長安縣界西北二
百五十里亦長安縣界北二百里咸寧縣界東北

二百五十里藍田縣界東北二百五十里商州界
東二百里山陽縣界東西相距六百里南北相距
三百七十里

形勝縣境北阻秦嶺南通已漢東接商州西連石象
雖乏名山大川而岡巒層疊河水滌洞如嘉谷重
崖洵豐雲蓋皆極一縣之勝邑人撮其山川之大
者爲八景見古蹟

沿革禹貢雍州之域周秦漢俱爲商地隋爲豐陽縣
地唐萬歲通天元年析商州豐陽縣地置安業縣

景隆三年隸雍州景元中復隸商州乾元元年改
爲乾元縣隸京兆府尋還商州永泰元年爲羌賊
燒毀徙縣於西北六十里長慶二年復置乾元縣
於舊光啓二年經蔡賊焚蕩又徙於縣西北西王
峪龍紀元年復歸舊縣五代漢乾祐二年改爲乾
祐縣隸京兆府朱高宗以地界西割商秦之半止
存上津縣豐陽縣以劉嶺爲界南屬宋北屬金金
因之隸京兆府至元丙子改爲乾祐巡檢司壬辰
仍復縣於舊地甲午年裁革明洪武八年仍立乾

祐巡檢司屬西安府咸寧縣景泰三年置今縣屬
西安府初定於野豬坪復遷於謝家灣卽今治成
光緒二十二年奉公檄設商州改隸商州編戶八里後
增十里里迨至崇正末年爲流寇所殘之後編戶
二里

大清因之

風景

花河春漲 浪滾如花水漲新綠

雲谷晴雲 上摩霄漢時雲舒卷

雲蓋曉鐘 震方晨起鯨聲隱隱

松嶺織翠 翠籠峻嶺秀色粲粲

北陽朝暉 朝陽耀彩掩映如畫

聖燈晚照 聖燈閃爍光奪人目

龍洞靈泉 神龍宅此旱騰輒應

藥王神跡 藥王於此曾痊黃巢

山川

車輪山在縣南二十五里其水流出為鎮安河連
縣治南 長陵山在縣北二十里以崖岵延綿而

名石馬山在縣北三十里上有如馬狀 夢谷

山在縣東北三十里其山危峻常有雲起 雲夢

山在縣東七十里 香爐山在縣西四十里山似

香爐朝有三股烟氣冲天 重崖山在縣東八十

里重疊望之無窮 紗帽山在縣治南三里形似

紗帽 靈龜山俗名龜兒山在縣西南八十里

馬尾山在縣西八十里 白岩山在縣北三十里

坐落紙橋寨有天仙洞祈雨輒應 北陽山在縣

西八十里 聖燈崖在縣南一百五十里 攔馬

金安縣志 卷一 四
塚在縣東三十里 都家嶺在縣治正北五里其

勢嵯峨蓋縣之主山也 分水嶺在縣東四十五

里 石龕嶺在縣東八十里 烟墩嶺在縣西二

里 高聳巍峻上有唐制烟墩 西王峪嶺在縣西

北八十里 秋林嶺在縣東八十里 賽秦嶺在

縣北七十里 圪塔嶺在縣北四十五里

野豬坪在縣北七十里 曹家坪在縣北二百里

赤腳坪在縣東北八十里 上茅坪在縣南五十

里 花蛇坪在縣西南一百里 寬坪在縣東五

十里 魔王坪在縣西一百七十里 徐家坪在

縣北三十里 杜川在東北一百里 安樂川

在縣東一百一十里 雲蓋川在縣西四十里

孝義川在縣西一百一十里 龍洞川在縣東南

八十里 草家川在縣南一百五十里 永安川

在縣東六十里即黃龍舖 秩林川在縣東八十

里 米糧川在縣東南一百一十里 乾河

源秦嶺距合治北二百里由治南一百六十里至

淘陽縣兩河關合淘水達漢江 金井河 冷水

河 花水河 大任河 小任河 池河

汴水在縣東五里 蘓水在縣西南七里 澤布

泉在縣西四十里有唐太宗詩 乾祐渠在縣北

九十里 青山澗在縣南三里有龍洞禱雨取水

於此 紙橋澗在縣北三十里

古蹟

藥王神蹟嘉祐辛丑九月初五日乾祐令王衢立

有碑

舊乾祐縣在縣治北七十里即野豬坪今爲民地

聖燈龕在縣西三十里故老相傳凡遇良辰見一
燈於崖畔燭曳分散七八復合爲一歸於原處
白侍郎洞在縣西三十五里白侍郎樂天也洞門
有與賈島問答詩 七里峽岩下形如石龕清流
上湧石激如雷聲良久復湧出 對峯臺在縣北
六十里乾祐河邊尖峰突兀上有故明勅建鐵瓦
祖師殿旁有兩峰聳然對峙名曰對峰下有洞洞
於明代中葉吼聲三日忽然劃開洞中有神水祈
雨輒應臺下水濱有碑 朝牟洞在縣東五里有

神羊朝洞口名朝羊洞可容數百人自崇正六年
城陷至十二年官民避兵其間對面有魚洞

百神洞在縣北四十五里坐落崑隄嶺有神水祈
雨取此秦王洞在縣東一百里坐落白塔寨下
有將軍墓香山洞在縣東一百一十里坐落米
糧川可避兵觀音洞在縣東八十里坐落岩屋
寨下有水河坪南陽山與北陽山接壤相傳張
子房流寓於此尚存子房洞鐵瓦殿雲夢山有
七尺銅佛像兵變被盜毀去時有雲氣復其上

節序祭祀

正月元旦官吏朝賀謁

先師並各壇廟謁見宴賀士民祀神祀先拜尊長賀節
飲酒 立春前一日有司官屬東郊序坐簪花行
酒扮演春戲民間鼓吹賀新春立春日鞭春送春
日飲春酒茹春餅 上元夕民間扮社戲鼓吹賞
燈祀神前後三日 十五日有司行鄉飲酒禮
二月上丁祭

先師啓聖祠名宦鄉賢上戊祭

關帝

風雲雷雨山川城隍社稷 初二日中和節五鼓以

灰圍牆垣戒毒蟲社日祀先農於鄉社

三月寒食祭墳戲鞦韆清明節有司祭厲壇收幣

埋瘞士民插柳踏青穀雨日浸種

四月四日釀酒八日浴佛祀神

五月五日端午節飲蒲酒雄黃食粽插艾繫續命

縷於臂 夏至食麥飯

六月六日曬書曬衣儲水作麪醬

七月七日掛地頭紙錢七夕送瓜女子乞巧 十

五日中元節有司祭厲壇士民祀先祭麻姑

八月上丁上戊祭同仲春 十五日中秋節飲酒

翫月食月餅 社日如春社

九月霜降祭旗纛火神 九日重陽登高節酌菊

花酒食菊糕

十月朔日有司鄉飲酒禮 又爲下元節有司祭

厲壇士民祀先

十一月冬至日官吏朝賀士民相慶飲酒迎長至

十二月八日作臘酒食臘八粥浴蚕布二十四日
掃舍祀竈除夕日易門神桃符修歲事

附祠廟壇壝

城隍廟在縣城西門內

關帝廟在縣城東知縣武維緒重修

社稷壇在縣城西

風雲雷雨山川壇在縣城東南

邑厲壇在縣城西北

公式

舉人會試

貢士應貢

生員應試皆設宴縣堂

以禮起送

明季入學定額十五名通庠廩增附三百餘人崇
正六年城破流寇往來不絕官民救死不贍詩書
禮樂等諸塵飯土羹宮牆之中鞠爲茂草我

朝定鼎寢復舊制廩糧未設順治初年庠生趙基補廩
知縣胡明垣力爲申請始給廩糧一名膳夫一名
逾二考楊肇基食餼亦申請給廩糧膳夫各一後
之幫補者均食

風俗

儀文簡交際厚男尚質樸女尚貞順民間守望相助疾病相扶而剛直尚氣秦風大都然也男以十六加冠女於出嫁着髻婚先問年飲媒酒納采或銀或牛驢騾馬布帛貧者粟以石布以疋親迎之禮廢娶之日延賓設賀舉樂喪重裂帛用浮暑附身附棺稱家有無鄰友親族悉來弔奠祭凡初喪七日并百日週期延僧道誦經如他時節所祭豐

儉各隨其宜士習尚禮義而樂恬退躬孝友而敦
樸實布衣蔬食志安耕讀農習衣不掩膝肉不知
味終歲胼胝以求稔穗工習山野淳民無所見聞
寧儉毋奢寧拙毋巧商習山僻小邑以貨易貨鮮
見銀錢非冲衢大道商賈之可比也

鎮安縣志卷之二

城池

公署

舖舍

里郭

災祥

寺觀

附異

戶口

賦役

物產

地無大小規制則一十室之邑必依志而考雖較之大邑不同而並諸古制甚殊謹以採訪托諸後之君子庶稽攷云

城池

鎮安縣治自舊治之野豬坪遷於謝家灣者築以土城乃今縣治也於明正德壬申知縣俞鼎以磚

包砌周圍四里三分高二丈東南西爲池深八尺
北倚山無池城門三垛樓四座嘉靖乙酉知縣楊
永清以北山高乃於東北展修月城一里七分加
高舊城二尺增樓二座俱包以磚爲完城焉後被
流寇侵殘縣治移於城外縣寨居焉我

朝康熙間知縣耿晉光仍徙居城內

公署

縣治卽今謝家灣地弘治癸丑知縣儀鳳正重建
正堂五間退思堂三間儀門三間大門三間左右

六房在大堂外縣宅在退思堂後典史廳在縣署
東北舊乾祐巡檢司在縣治北一百二十里
郎巡檢司在縣治西三百五十里

舊縣關分防於順治九年設遊守二員建造營房
理衙署二所

陰陽學醫學僧會司道會司俱在縣治西
教場在縣治西

分司一所在縣治西北 府署在縣治南

水獺舖公館一座 太家舖公館一座

青峰舖公館一座

學宮

大成殿五間東西廡各七間櫺星門三間戟門三間
啓聖殿三間二門三間

明倫堂五間禮門三間東西齋各三間號房一十六
間 儒門一座 射圃一座

社學一所在縣治西

倉廩預備倉在縣治西

社倉在縣治西知縣武維緒建

養濟院一所在縣治西南

舖舍

縣舖在縣治南 表德舖去縣治一十里 鐵廠

舖去縣三十里 永安舖去縣五十里 石龕舖

去縣七十里 水獺舖去縣九十里 長嘯舖去

縣三十里 上茅坪舖去縣五十里 青峰舖去

縣七十里 梅花舖去縣九十里 雲蓋舖去縣

四十里 萬灘舖去縣六十里 栗元舖去縣八

十里 舊縣舖去縣一百二十里 茅坪舖去縣

四十里

里郭

社川里縣東北八十里 錫洞里縣東南四十里

藤花里縣東一百里 龍洞里縣東南一百二十

里 乾祐里縣北一百九十里 仁和里縣南八

十里 洵河里縣西南八十里 錫洞二里縣東

一百里 藤花二里縣東八十里 乾祐二里縣

西四十里 仁和二里縣北一百八十里 龍洞

二里縣西二十里 永寧里縣西九十里 永康

里縣東南一百里 永和里縣東九十里

鎮集

舊司鎮縣東南五里

城中集每三六九 東門外街二集 南門外街

三集 鴻臚坊在縣西北街

村落

縣寨附郭 青綏寨縣東五里 岍峪寨縣北十

里 紙橋寨縣北三十里 白塔寨縣東南一百

一十里山陽縣界 青銅關寨縣南七十里南至

四十二里界牌石灣洵陽縣界 羅家碓寨縣南六

十里 大岩寨縣南七十里 十八峙寨縣南一

百三十里 栗元寨縣南一百五十里

永碓寨縣南一百三十里上津縣界 棗元山寨

縣西南七十里洵陽縣界 大寨溝縣西南一百

里 紅廟寨縣西南一百三十里 營兒寨縣西

北四十里 紅山洞寨縣西北七十里 五郎壩

寨縣西三百五十里長安縣石泉縣界 胡家寨

縣東北七十里 孟李寨縣東北九十里

紅嶺寨縣東北一百里 大掌寨縣東北一百五

十里藍田縣界 嚴家寨縣東北一百一十里

柴賈寨縣東北一百三十里山陽縣界 草廟寨

縣東二十里 黃龍寨縣東六十里 岩屋河寨

縣東九十里 藤花寨縣東一百里 天池寨縣

東一百一十里 磨裏溝寨縣東八十里 高峰

寨縣東七十里 土地嶺寨縣東南九十里 龍

王寨縣東南一百二十里上津縣界 關天寨縣

東一百一十里 舊縣關寨縣北九十里咸寧縣界

寺觀

龍興寺縣東附郭 天寧寺縣西附郭

千佛寺縣東八十里坐落岩屋河今廢

石佛寺縣東南一百二十里坐落龍王寨

會龍寺今名尖山寺縣南七十里坐落高峰寨

毘盧寺縣南八十里坐落高峰寨今廢

雲蓋寺縣西四十里坐落營兒寨 寶泉寺縣南

八十里 鐵釵寺縣北八十里坐落野豬坪

白岩寺縣東八十里 米糧寺縣西一百六十里

清涼寺縣東南一百一十里 嵩坪寺縣西

里 海棠寺縣東五里因山而名今廢

陽山觀在北陽山上今廢相傳漢留侯流寓處

普陀庵縣北八十里有石佛像

異木

縣治西有連理榆樹根夾路兩傍而枝梢連接一

處數棗挺秀不計其年

災祥

崇正六年被兵 崇正八年被兵 崇正十二三

五六七年俱被兵

國朝順治十三年旱

康熙十年穀出雙穗知縣許繪圖詳報名曰豐陽記

瑞是年大豐盛 康熙十三年瘟 康熙十四年

被兵 康熙二十七年六月水雹 康熙三十一

年秋霖雨 康熙三十三年穀生三穗知縣丁具

詳呈驗 督 撫題報

上聞以徵豐瑞 康熙五十七年六月地震 康熙六

十一年旱

戶口

明時丁分上中下三等九則如禹貢今俱折下下
丁無上中民貧故也明末下下丁尚有八千三十
八丁至

本朝順治七年逃丁至七千七百八丁招回貳百陸拾
柒丁止現存伍百肆拾玖丁不及前十分之一

土田

明時原額上中下三等地壹千貳百柒拾捌頃貳
拾玖畝零

本朝順治七年奉

旨免過上地無主荒地叁百柒拾捌頃拾叁畝零全免
中地肆百貳拾陸頃壹拾畝零全免下地肆百貳
拾陸頃壹拾畝零存中下新墾地伍頃肆拾畝
賦役

原額地丁徵銀柒千叁百叁拾伍兩玖錢肆分伍
釐貳絲貳忽捌塵肆渺

除荒人缺額銀陸千叁百柒拾壹兩陸錢伍分柒

釐貳毫陸絲捌忽貳微伍纖柒塵貳漢

實徵銀玖百陸拾肆兩叁錢捌分柒釐柒毫伍絲
叁忽柒微伍纖壹塵叁渺捌漠

起運銀陸百肆拾貳兩伍錢柒分陸釐捌毫伍絲
貳忽貳微柒纖陸塵肆渺

存留銀叁百貳拾壹兩捌錢壹分玖毫壹忽肆微
柒纖肆塵玖渺捌漠

驛站俸工雜支等項備載賦役全書

雜稅

課程銀柒錢伍分應解充餉

地稅銀叁兩壹錢應解充餉

物產

穀屬

稻 黍 稷 高粱 大麥 小麥

蕎麥 豌豆 赤豆 黑豆 黃豆 青豆

菜豆 扁豆 芝蔴

蔬屬

葱 韭 蒜 薤 筍

瓠 王瓜 冬瓜 西瓜 南瓜 北瓜

甜瓜 蕨菜 薇菜 豇豆 香椿 百合

蔓菁 苣蒿 白菜 菠菜 蘿蔔 木耳

芫荽 山藥 薄荷

果屬

杏 桃 梅 李 梨 柰

栗 柿 棗 核桃 石榴 櫻

銀杏 榛子 葡萄

木屬

松 柏 椿 楸 槐 桂

桐 桑 榆 櫟 栗 梨

柘 楮 橡 皂角 白楊 青楊

冬青 柳

竹屬

毛竹 紫竹 斑竹

花屬

牡丹 芍藥 紫荊 蜀葵 棠棣 萱草

海棠 罌粟 臘梅 迎春 玫瑰 梅花

茶縻 菊花 雞冠 鳳仙 蘭花 辛夷

木槿 長春

藥屬

天南星

天門冬

香附子

地骨皮

五茄皮

益母草

五倍子

枸杞子

牡丹皮

威靈仙

前胡

當歸

厚朴

蒼朮

柴胡

黃芩

管仲

芫花

葛根

茱萸

石斛

茯苓

酸棗

皂莢

烏頭

毛屬

牛

豕

羊

馬

驢

驘

狗 麝 虎 豹 鹿 麋

猴 熊 獐 鹿 猫 狐

羚羊 野猪 獾猪 水獭

羽屬

雞 鶩 鴨 燕 鷹 雀

錦雞 野鷄 鶩鶩 啄木 青鷓 蠟嘴

鱗介屬

鯉 鮒 鰕 蛇 龜 鱉

貨屬


紙 蔴 蠟 蜜 金 銀

銅 鐵 錫 稔子 棉花

蟲屬

蝶 蜂 蠶 蟬 蟋蟀 螳螂

蝦蟆 水雞



鎮安縣志卷之三

官師

選舉

人物

藝文

國家設官分職星羅碁布尊卑相統大小相維政
 教由邑之所出雖鎮安邑小事簡任所重焉至若
 賓興由鄉而國曲江餅餽雁塔留題秦中盛事也
 與夫崧嶽鍾靈發祥申甫而山陬海澨不乏瑰奇
 以致藝文之郁郁鎮安雖僻處萬山之中豈可闕
 乎備考爰志以俟廣

知縣明儀表山西太平縣舉人成化年任 張正直

隸高陽縣監生成化年任 任維友湖廣穀城縣

舉人成化年任 張富直隸河間府舉人成化年

任 喬堂直隸內陞縣舉人成化年任 張廉山

西大同縣舉人成化年任 李濟四川羅江縣舉

人弘治年任 吳淮山西陽曲縣舉人弘治年任

賈銘直隸趙州舉人弘治六年任 王朋遼東都

司衛舉人弘治九年任 冷襲山東膠州人監生

弘治十二年任 儀鳳正山西太平縣舉人弘治

十六年任 張環山西絳縣人進士弘治年任

王良佐山西萬全縣人監生正德元年任 陳達

遼東都司衛人監生正德三年任 俞鼎河南洛

陽縣舉人正德五年任重建廟學築濟城池捕盜

有方賊相解散境內肅然開墾山田地無遺利設

立集場招商便民鎮民有甘棠之愛焉 趙倫山

西潞州人正德八年任 韓齊山西清城縣舉人

正德九年任 高璉山西左衛人監生正德十一

年任 孫錫山東海豐縣人監生正德十三年任

葉榕貴州宣尉司舉人嘉靖四年任 楊永清山

西忻州人監生嘉靖年任修理月城捍禦外侮地方
方教寧政清刑簡公正廉敏人利賴之 周宮山

西安邑縣舉人嘉靖八年任 劉貴四川內江縣

監生嘉靖十二年任 邢時揚直隸濟縣舉人嘉

靖十五年任 張延輝河南長葛縣人監生嘉靖

十七年任 張鳳翼號惺臺江南沛縣人萬曆癸

卯狂捐俸修學崇儒重道興起斯文仁聲仁政益

洋四野人稱愷悌君子 王三樂河南確山縣人

恩貢萬曆四十一年任被劾去 鞠思讓山東人

恩貢萬曆間任調白水縣勦寇有功陞平涼知府
恩賜進士陞薊遼監軍道 師佐山西蒲州人孝
廉萬曆四十七年任被劾去 李堪浙江人孝廉

天啓元年任

鄧

恩貢天啓間任

劉用寬

沁水縣人孝廉崇正間任

趙斷庭崇正間以經

歷署縣事

薄赴任至西王峪爲流寇掠去

黎

崇正間以經歷署縣事

秦來希由歲貢

崇正間任均平十五里爲二里十八甲

羅

廣東人孝廉崇正間任十三年移縣寨

唐楊

國朝劉 山東人爲土寇掠去 王 滿洲人順

治三年任陞河州知州 薛昌印山西河津縣人

進士順治五年任寇亂帶印去 胡明垣湖廣黃

陂縣人進士罷驛站招流丁除民害陞興屯廳

范顯祖江西豐城縣人進士陞兵部主事卒於官

繆集義浙江海鹽人由歲貢年老被劾去

許泗號方巖直宄人進士勸課農桑修葺文廟培

植學校 王映江南廬州合肥縣人由教習被劾

去 耿晉光揚州人監生因縣治居窳不便復遷

舊城內百姓安堵後調用去 丁鵬浙江仁和籍
湖州人由貢監康熙三十一年任適際奇荒捐資
煮賑招撫流移民賴全活舉薦卓異陞南城兵馬
司 辛 康熙三十四年任 王翼直隸人教
習康熙 年任丁憂去 盧躍龍廂白旗人
貢康熙 年任
武維緒正監旗監生以軍功於康熙五十八年任
於雍正二年被川督年 誣叅奉

旨陞見蒙

恩洞悉寬枉於雍正三年四月仍復原任革除積弊修
舉廢墜持己清正用法和平凡有益於國計民生
靡不力爲民心感化風俗丕變

縣丞明張經河南鹿邑縣人監生成化十六年任
主簿明熊祥四川萬縣人監生成化二十三年任

盧仲良四川蓬州人監生弘治三年任 姚阜直

隸永平府人監生弘治十六年任 陳堂山西潞

安府長治縣人監生於嘉靖二年任 李來學河

南懷慶府濟原縣人監生嘉靖六年任 劉鑑河

南溫縣人吏員正德三年任 郝易山西交城縣
人吏員正德十年任 以上丞簿不知何年奉
亦無可攷

典史明李昇河南項城縣人吏員天順八年任 劉

思義河南西平縣人成化四年任 李剛山東沂

上縣人成化七年任 王政河南增山縣人成化

十三年任 孫宣山西陽城縣人成化十七年年

郭深直隸開州人成化十八年任 王文直隸泗

州人弘治五年任 周瓚山西翼城人弘治八年

任 湯嶽山東福山人弘治十三年任 施茂四

川江津縣人正德四年任 李讓河南上蔡縣人

正德十年任 王國憲四川資陽縣人正德十三

年任 孔明賢四川巴縣人嘉靖元年任 胡洪

四川南溪縣人嘉靖三年任 余三奉四川蓬溪

縣人嘉靖八年任 楊承綱四川巴縣人嘉靖十

一年任

國朝張雲龍山西蒲州人 方 江西人被劾去

李 被劾去 劉 湖廣巴陵人丁

夏去 陶盡忠四川保寧縣人被劾去 李

北直人卒於官 張 北直人陞江南潛山縣

巡檢 殷中選北直人 李瑞芝北直人被劾去

吳儻北直人康熙二十一年任監修西安營房勤

勞著績捕盜緝私人民安堵廣

去 張 人卒於官 陳士統北直人丁亥

去 鍾弘業北直人康熙五十年任呈悞去

任毓茂北直固安縣籍浙江嘉興縣人康熙五十

一年任解馬解餉軍前二次守職捕盜四境寧謐

甘於淡泊

巡檢舊司巡檢景泰七年立縣奉裁 舊縣關五郎

壩巡檢

朝奉裁

教諭明李聰直隸安東縣舉人天順七年任 沈宏

道四川成都縣人監生成化十二年任 宋棫山

東靈陽縣人監生正德三年任 李安節河南南

陽縣人監生正德六年任 王游四川龍州人監

生嘉靖元年任 王時暹四川潼川州舉人嘉靖

八年任 王盡心 山西遼州人 萬曆年任

朝岳 申漢中府沔縣舉人 勤勞讓士 陞南京貫池知

縣 李冲霄 鞏昌府成縣人 卒於官

訓導 明崔希 四川雙陸縣人 監生 天順六年任

流輔 河南封陘縣人 監生 成化八年任 程宥 四

川巴縣人 監生 成化十三年任 胡儀 四川納溪

縣人 監生 成化二十三年任 周玉 四川仁壽縣

人 監生 弘治八年任 任貴 四川新寧縣人 監生

弘治九年任 吳崇道 四川新繁縣人 監生 弘治

十六年任 張達四川長壽縣人監生正德元年

任 武城直隸雞清縣人監生正德四年任

何鼎四川閬中縣人監生正德七年任 魏源四

川劍州人監生正德十四年任 毋志四川蓬州

人監生嘉靖元年任 陳子廉四川青神縣人監

生嘉靖六年任 虞楫河南息縣人監生嘉靖七

年任 王鳳京漢中人萬曆間任 何國泰四川

人萬曆間任

國朝梁晉延安府人順治間任陞山西稷山縣縣丞

程 靈臺縣人 王 寶雞縣人 趙奇珽

洮州衛人 卒於官 寇澄清延安府中部縣人 卒

於官 任之奇興安州紫陽縣人 貢生康熙二十

一年任 葉 人丁憂去 王典潼關衛

人告病去 王躬理涇源縣人 告病去 呂元發

鳳翔府汧陽縣人

防守

朝遊擊王樵涇源縣人行伍 順治八年任 孫登科

遼東人行伍 順治十一年任 孔循陞河南祥符

縣籍聖裔順治十七年任 鄭英福建人將材叅

將管遊擊事康熙七年任 甘承蔭長安縣人行

伍康熙十四年任 喬希德固原人行伍康熙十

七年任 楊撰江南籍遼東義州人將材功加左

都督管遊擊事康熙二十二年任陞湖廣武昌副

總 劉自新江南徐州碭山縣籍遼東寧遠人丁

未進士康熙三十二年任 劉遴山西代州人行

伍康熙四十一年任 李文啓河南人康熙四十

九年任 莊望雷福建南靖縣人武進士康熙五

十年任 徐升階直隸寧津縣人武舉康熙五十年任
王友詢山東臨淄縣人武進士康熙五十八年任

賀陞山西大同人由侍衛

特授於雍正三年任愛兵愛民口碑載道分守有方
守備

朝陳豹湖廣人行伍順治九年任 李涵鐸京衛人

進士順治十二年任 常進福湖廣夔陵州人行

伍康熙六年任 白允長京衛人由行伍康熙六

年任 李克勝山西夏縣人武舉康熙二十二年

任 黃宗順天宛平縣人武進士康熙三十六年

任 程遠浙江烏程縣人武進士康熙四十二年

任 王正世山東黃縣人行伍康熙四十三年任

楊守福河南祥符縣人行伍康熙四十三年任

徐助山西陽渠縣人行伍康熙五十五年任

程文正湖廣武昌府人出行伍雍正元年任兵民

一視人皆仰望

國朝喬希德固原人康熙十四年任

鄭起成山西人康熙十五年任

馬在賢甘州人行伍康熙三十四年任

張進爵定邊人行伍康熙三十七年任

裴魁興安州人行伍康熙四十一年任

劉成玉咸寧縣人行伍康熙四十八年任

徐永福固安人行伍康熙五十三年任

溫榮三原縣人行伍康熙五十六年任

王天壽甘州人行伍康熙六十一年任

把總

國朝王自奇河南人行伍康熙十四年任

陳大忠河南人行伍康熙十四年任

邢兆斗榆林人行伍康熙十五年任

魏體重定邊人行伍康熙十五年任

張進魯定邊人行伍康熙三十四年任

劉堯整屋縣人行伍康熙三十七年任

王師德靖遠衛人庚子科武舉告降康熙四十一

年任

賀進福肅州人行伍康熙五十九年任

選舉

進士明李垂街萬曆乙未科

國朝曹玉珂順治辛丑科

舉人明白萬鎰嘉靖戊子科

武舉

國朝周祉康熙巳酉科

王士英康熙癸卯科

秦烈康熙丙午科

師望康熙甲子科

戎良弼康熙甲子科

安國宗康熙甲子科

劉紹漢康熙丁卯科

歲貢

明何璽四川閬中縣主簿 米成山西省襄垣縣

主簿 乙廳貴州長官司吏目 符振山東濟南

府照磨 李通北京鴻臚寺鳴讚 邵清河南陳

州州判 周澄 郭麟 董暉直隸渠縣主簿

陳倫順天府魚臺縣知縣 郭文 姚蓁 邵康

廣西全州吏目 范英 四川南充縣訓導 劉寅

沙鸞山東海豐縣主簿 張璠 湖廣漢川縣訓導

周廷威 山西靈石縣訓導 劉鳳 山西和順縣訓

導 張紳 四川灌縣訓導 崔縉 張縉 張世

祿河南開封府經歷 惠仁 齊磁山西定祥縣

教諭 周和 羅獻 林玉 河南磁州訓導

韓九思 党英 屈正 席正 張應祥 四川嘉

定州州判 憲正 四川隆昌知縣 山西大同別

駕 李從約 京府教授 王曰然 山西繁峙知

縣 王佩玉天津衛經歷

國朝李敦典三水知縣 朱永年寧夏衛教授 任基

田山東福山知縣 王心中江南鹽城縣丞

陰坤生山東萊蕪知縣 謝嘉璧延安府中部訓

導 張文璽府谷縣訓導 趙基延安府雒川縣

訓導 陳謹 李景岱 李生文 楊一桂

張元翁 張文焯 張騰蛟 趙代 蘇傑

唐宇泰 王用予 孫允升 趙連城禮縣訓導

楊廉泰 訓導 劉以惠平利訓導 周國柄

劉士奇延安府安塞縣訓導 楊運鳴

恩拔明李印秀廣西桂林府經歷

國朝任風厚江南淮安府知府 盧冲揚 王居所

朱子鵬

例貢明許汝翰 王銘 劉宣湖廣布政司知事

張禮大名府內黃主簿 劉文 時顯 李廷鳳

李連通直隸新城知縣 甯廷臣南北城兵馬司

吏目 馬騰江

國朝劉人龍 王國勳 王奇 譚恒 王之俊

劉培智 張緒 許漢章

農官

國朝陳國正力勤猷弘善於耕種雍正三年任

蔣

人物

明李垂衡萬曆乙未進士歷任九江道端謹為世模

楷

玉所存優為其任為平知雷馬堡人銘於志

國朝曹玉珂順治辛丑進士以文章名世任鳳厚由

恩貢任淮安府通判丁憂服闋陞淮安知府兩任

淮安風紀肅然 陰坤生由歲貢任葭州訓導歷
涇州教諭鳳翔府教授密雲縣縣丞山東萊蕪知
縣居官清廉有釜魚甌塵之風焉

流寓張良字子房封留侯從赤松子遊隱於邑之紫
陽山其地產慈數畝至今冬夏不衰

唐白居易字樂天官至侍郎隱於邑之雲蓋寺洞
中號白侍郎洞 賈島隱雲蓋寺與白侍郎作破
風詩互相附唱

孝行明周廷威早遊邑岸以明經任靈石縣訓導幼

喪父事母屈氏篤於孝敬始終一致鄉人稱之孝
邵鑑早補邑廩弟子員以明經任定襄縣教諭幼
孤事母胡氏純孝人比之王裒云 李運通早
遊邑庠貢成新城縣知縣幼喪父事母胡氏篤於
孝行始終如一邑人稱之

國朝孟三光社川里民母寡居失明三光雖困厄色養
不缺年四十餘母嘗叱責光每引罪跪受敬不少
衰順治間知縣范旌其門 曹亨年十一歲母死
不能具棺鬻身完葬闔邑士庶公舉其孝

陳國柱幼入行伍事親至孝食必豐腴遇友邀飲
 必先為父母設席而後往目不知書蓋其天性然
 云 王孝風事母孝同族弟避寇亂遇急其弟棄
 母負妻去孝風棄妻及子負母以逃其弟死亾無
 嗣孝風至今子孫繁衍 王氏庠生楊廉妻奉姑
 孝養殮不繼嘗私取娘家飲食以獻姑病氏衣不
 解帶侍湯藥姑臨終謂氏曰感汝孝義來生酬報
 遂瞑時方炎暑家中人皆避去氏獨守喪盡哀不
 避污穢洗滌入殮人嘉其孝

節烈明解氏洞錫里民張鏜妻年二十八鏜卒守節三十年不變教子應祥以明經顯任嘉定州判嘉靖間 勅修貞節坊旌其門 王氏藤花二里民沙仲妻年二十九仲卒守節四十年不變教子鑾以茂才入國學任山東海豐縣生簿 天啓間貢生朱紹孔次女許字謝姓子未嫁隨父赴任南部聞夫病故朱氏投江而死 崇正間姚西峰妻景氏被賊擄逼氏罵不從賊殺之

國朝楊氏劉端徵妻年三十夫死矢志守孤守節三十

四年知縣許旌其門 田氏醫生齊扶上妻年三十夫死守節四十五年撫孤成長知縣許旌表其門 白氏貢生唐宇泰妻年三十五歲無子夫死氏求殉者三日夜家人守護未獲遂矢誓守節成栢操凜然

德行

國朝柳友昂本縣民素行淳良好義知縣許旌其門

劉可昇本縣民性謙謹恭讓不損人利已知縣許

旌其門 王施仁本縣民邑人李先春年九十餘

遭亂逃避遺金四兩三錢施仁拾之先春越三日始覺號泣不欲生施仁談笑還之

仙釋赤腳大仙修煉於邑之東北八十里邑人名之赤腳坪 僧寂宗龍興寺僧呼徒曰今日有客至待我去迎隨整衣帽端坐椅上閉目圓寂此康熙九年事也 康熙十一年僧人許靈在紅山洞竹庵靜坐三年有大蛇聽經未幾坐化

藝文

八景序

扶輿清淑之氣峙爲山岳流爲江河鍾於人爲英俊
豪傑產於物爲怪奇珍玩者在在有之考諸星士之
法輿地之志槩可見矣陝西禹貢雍州之域山川之
壯麗水土之深厚物產之珍異名於天下載之於圖
志班然可考鎮安爲邑密邇陝西而山川形勝亦多
可紀士生其間出而發身正途隱而清風高節表儀
士習者俱有其人論者以爲山川神秀之所融結信
不誣也走輿教商州於茲一年適訓導何鼎承御史
張公纂修鎮安志復屬走校正之因采景物山川形

勝之表表者彙爲八景以資吟咏之樂觀夫東南有
河浪滾如花冰泮雪消水漲新綠則擬之以花河春
漲焉山名夢谷上摩霄漢晴雲舒卷千狀萬態則擬
之夢谷晴雲震方晨起而鯨聲隱隱羣動皆作翠巖
峻嶺而秀色毵毵無隙可窺則擬以雲蓋曉鐘松嶺
織翠擬之山擁北陽峰巒高峙朝陽耀彩而丹崖錦
樹掩映如畫聖燈閃爍樓臺突兀夕陽西流而珠林
寶閣光奪人目則以北陽朝暉聖燈晚照擬之泉出
洞中源源不竭世傳神龍宅於此遇早禱之輒應焉

則擬之以龍洞靈泉也山椒有窟以木塞之世傳藥
王瘞黃巢於此後人思之而祠之則擬以藥王神跡
也吁地以景而靈景以人而勝故右軍修禊蘭亭有
聲非蘭亭因右軍之文而顯右軍之文亦托之以垂
不朽也鎮安爲邑涵濡

聖朝文明之化土俗丕變景物增麗縉紳士夫發於聲
詩歌咏山中風景之盛以鼓舞夫太平熙洽之治視
右軍當王業偏安之日爲蘭亭修禊之樂不大相徑
庭也哉謹書其槩以引羣玉

唐白侍郎與賈島問答五絕

長老何方去下山化瓦糧
既言雲蓋寺何須用瓦糧
雲遮菩薩頂瓦蓋衆僧堂

又

此水緣何至接竹引清泉
春夏長如此秋冬總一般

又

此寺何年建問僧僧不知
塔前折芳草拂塵讀古詩

又

既言招涼亭何須用扇搨西川十樣錦添花色更鮮

又

夏禹偏能治九州此波不敢不東流小水豈逐羣波
退流在峰尖最上頭

賈島詩

一山未盡一山迎百里都無半里平宜是老禪遙指
處只堪圖画不堪行

又

牀頭枕是溪邊石井裡泉通竹底池宿客未眠過半

夜忽聞山水到來時

又

瀑布人間應難比
銀河撲入深崖裡
眼前一道電光
飛玉皇倒瀉三江水

又

日照香爐生紫烟
遙觀瀑布掛長川
飛流直下三千
丈疑是銀河落九天

又

瀑布瀑布千丈直
雷奔入江無暫息
千古還同白練

飛一條界破青山色

唐太宗詩

東望香爐山西觀瀑布水飛流三千丈崩摧數十甲
花河水漲

南 鐘

雪消新漲接天涯共說山中此地佳弱柳低垂黃鳥
岸落花輕颺白鷗沙半篙蕩漾魚吹浪一帶迷漫客
泛槎漁父浩歌天地濶鮮鱗入網喜歸家

夢谷晴雲

夢谷巖峩西不如初晴氣爽白雪疎悠悠點綴來還

往鶴雷飛揚卷又舒日映別屏增瑞氣風吹圍蓋護
幽居懸知出岫爲霖處五穀豐登樂里閭

雲蓋曉鐘

梵王宮殿曙光浮誰扣疎鐘震嶺頭鯨吼一聲千里
月鶴驚三唳萬山秋天邊隱見星初落草上零瀉露
未收無本當年曾遇此後人景仰每來遊

松嶺織翠

松生嶺上幾千年一雨初收霽景鮮鬱鬱四時青未
了亭亭百丈翠無邊山中佳氣通朝靄野外晴光接

曉烟自是炎涼無異色分明高節似前賢

紫陽朝暉

紫陽突兀類高高先接晨光遍遠空野徑樵歌天欲
曙殘墟牧笛月初紅塵光九陌喧城市永黍千村樂
歲豐從此地靈鐘俊傑科名繩武代天工

聖燈晚照

日落西山望遠岑聖燈晚照樹森森千年勝地名猶
在一炷紅光艷更深孤鷺齊飛皆人潛昏鴉亂閃盡
披林斜陽山氣真佳景遠目增明喜一吟

龍洞靈泉

深深古洞有泉通
聞說龍蟠在此中
漫汲清冷消酷
暑好將潤澤及疲癯
一泓冷浸山間月
半縷寒生面上風
會見雲從天上去
普施甘雨致年豐

藥王神蹟

聞說醫王術已精
方書藥味更通明
華陀起死常無誤
扁鵲回生素有名
紅杏林中馴虎臥
黃金鼎內煉丹成
千年神去留遺蹟
過客焚香不盡情

鍾
一
鼎
志

卷
三

